



UKA 2018/46
18. oktober 2018
Aqqaluk Heilmann

Uunga siunnersuut: Ingerlatseqatigiiffimmik Namminersorlutik Oqartussat aalajangiisuusumik sunniuteqarfigisaanik aatsitassanut suliniutinik pilersaarusernermik qalluinermillu siunertaqartumik pilersitsinissaq pillugu Naalakkersuisut kingusinnerpaamik UPA2020-mut nassuiaammik saqqummiussinissaat pillugu Inatsisartunut aalajangiiffigisassatut siunnersuut. Nassuiaammi ilanngullugu ingerlatseqatigiiffimmut aningaasalersueriaatsit piginneqatigeeriaatsillu ilanngunneqarnissaannik Naalakkersuisut kissaateqarfigineqarput. Nassuiaammissaaq aatsitassanut suliniutinut qanoq annertussusilinnut ingerlateqatigiiffiup aningaasalersuinissaanik piviusunngortitsinissaanullu siunnerfilerneqarnissaa ilanngullugu eqqarsaatigineqassaaq.

(Inatsisartunut ilaasortaq Aqqaluaq B. Egede, Inuit Ataqtigiit)

Aatsitassarsiorsinnaanermut ineriartortitsineq Atassummiit naqissuserlugu isumaqatigaarput. Uani ingerlatseqatigiiffiit sunniuteqarfigisaanik aatsitassanik pilersaarusernermissamut tunngatillugu annikitsumik aatsitassarsiorneq aqputissiuuttariaqaripput. Atassummiit inuiaqatigiinni annikitsumik aatsitassarsiorneq pingaartipparput, uani namminersortutut ingerlatsinnaasut pillugit soqutiginarsaanikkut assaat amerlanerit sulilersikkumallugit iliuuseqarnissaaq.

Aappaatigulli aamma annertumiik aatsitassarsiorneqarnissaa soqutigisaraarput, nunatta annerusumik aningaasatigut isertitaqarnerulernissaanik ineriartortitsisoqassammat. Periarfissat annertuumik oqallisaasimaqaat, Atassummiit isumaqarpugut piumaneqassuseq tassaasariaqartoq avataaniit aatsitassat qaqutigooortut soqutiginaateqarnerat, taakkulu pillugit nunatsinni annertuumik suliaasqartugut. Taamaammat pingaaruteqarluinnalersimavoq alloriaqqinnissamik oqartoqarnissaa, tassaniimmammi nunatta aningaasarsiorneqarnikkut pitsaanerulernissaanik aqputissaaq.

Atassut-ip puigunngisaannarpai Inuusutissarsiuutit allat, taamaattumik malitsigisaanik aatsitassarsiornerup iluani ineriartortinnissaat pingaaruteqarput periarfissinneqarluassallutillu.

Uunga siunnersuummut isumaqarpugut pingaarnersiuinerit pivallaangikkaluarlugit mikinerusumik aatsitassarsiorfinnik inuiaqatigiit pilersitsinissaanerat periarfissinneqartariaqartoq. Assersuutigiinnarlugu guld-isiornernik, ujarassiornermik, ujaqqanik erlinnartuutitsinnik avammut nittarsaassisoqarsinnaanera pillugu piumaneqassuseq nunatsini eqqartorneqartariaqartoq. Tamanna inuiaqatigiit ineriartortittuarneranut aqputissiuussinerput iluaqutaasaaq.

Nunatsinni annertuumik aatsitassaqarnikkut piumaneqassuseq qaffasissorujussuuvoq, siunissamilu tamanna aqputissiuutissallugu Atassummiit pingaartipparput soqutigilluinnarlugulu. Nunatsinni aatsitassaqarnikkut ingerlatseqatigiiffiit peqatigalugit namminersortunik pilersitsinikkut



aqutissiunneqarnissaat pingaaruteqaqaaq, aningaasanillu kaaviaartitsinerulernitsinnik kinguneqartussaalluni.

Pilerinarsaanissamut tunngatillugu siullermik eqqaarusunnarpoq, nunatsinni aatsitassarsiornissamut ilinniarfimmi ilinniartuusut siunissami periarfissinneqartariaqarput. Ilinniartut inuusuttut atorfissaqartitagut nunatsinni atorluartariaqarpagut. Piumaneqassuseq tassannga tikiuttussaassaaq nammineq ingerlatsiveqarfeeqqanut pilersitsigunik.

Atassummiit isumaqarpugut suulluuniit atorfissaqartitagut nunami maani ineriartortinneqassasut, inuusutissarsiornermiippat imaluuniit aatsitassarsiornermiippat.

Siunnersuut tunngaviatigut taperserparput, ataatsimiititaliamullu susassaqartumut ingerlateqqinneqarnissaa Atassummiit innersuupparput.